


野談  
五



青邱野談卷之五

廬義士楓岳逢神僧

廬時道吏胥也居在漢師壽進坊性素信崇廬介為  
許相積之僣從甚見寵信一日許謂時道曰明曉有  
使喚處必早來其夜時道與其徒飲博就睡甚濃不  
覺日已明矣急起奔走路過濟用監鵠峴見路旁空  
坐立一古木二下茂草間有青袂露出就見則封裹  
甚密舉之甚重佩之腰下走到社洞許家以晚來請  
罪許曰已用他吏先到者汝何罪為時道退於厅下  
開視封裹則有銀二百十三兩內祇重襲時道自言

喂馬也小人辭出日已夕矣醉甚不能成步行未幾  
倒卧路旁不知為何處向夜微醒忽聞鍾聲遂強起  
而啟不知銀封所落罪犯如此自知當死所以咨且  
不敢現時道始陳得銀來謁之由即啟取銀以進封  
誌及數果如所失者金公大嘆異之曰汝非今世人  
然此本已失之物今以其半賞汝其勿辭時道笑  
曰使小人有貪財之心當自取不言其誰知之既非  
其有惟恐或浼何有於賞金公悚然改容不復言賞  
銀事咨嗟重複呼酒勞之奴罪得以快釋時道辭出  
有一年少女從後疾呼曰願巫少留時道顧問其由

女曰俄者亡金者吾之兄也吾依而為生今賴丞得  
生此恩當何以報吾入言于內夫人極歎之命賜酒  
饌所以請由也即設席廊下旋入擎出大盤羅以  
珍羞美醢時道醉飽以啟及庚申許以罪賜死時道  
突入持藥咒欲分飲之都事曳出逐之許既死時道  
狂奔号慟無復世念仍棄家放浪遨遊山水有族兄  
在江陵地往訪則已為僧不知去處仍遊楓岳至表  
訓寺問居僧曰吾欲依皈必得高僧為師誰可者咸  
曰妙吉祥後孤菴守座即生佛也時道往見果有一  
僧跌坐入定時道前伏俱陳誠心服事之意且請剃

髮辮肯忌切僧無聞覩時道伏不起日已昏暮僧忽  
曰架上冇米何不炊起視果冇米炊食如命夜後前  
伏至朝僧又命之食如是者五六日僧終不言而時  
道意稍弛出菴逍遙見菴後冇茅屋數間入其中只  
見一幼女年可二八甚冇姿色時道不禁婉戀之情  
遽前抱持欲犯之女於懷衽間拔出小刀欲自裁時  
道驚恟遂止問其所從來女曰吾本洞口外村女也  
弟兄出嫁於此山師菴僧母以菴僧神人此問女之  
命以女冇四五年大厄若絕棄人間事未寓於此菴  
之房則可以度厄且有佳緣母信其言縛茅於此獨

與女留住為數年許母今暫還同居而處為人所迫  
在此死境是豈所謂大厄耶既無文母之命雖死何  
可受污雖然此事非偶神僧佳緣之言亦必為此男  
女既一相接更何他故當失心相從但俟母之啟明  
白成親不亦善乎時道異其言從之辭啟菴中僧又  
無所言是夜時道一心憶之只在此女無復聞道之  
意專俟翌朝母言之許及朝睡起僧忽起立大詬曰  
何物恠漢撓我至此必殺乃已取六環杖將奮擊之  
時道惶負而走佇立菴外久之僧招至前溫言諭之  
曰觀汝狀真非出家之人後菴之女終必為汝之啟

但從此直去少勿踟躕雖有小驚福祿自此始矣書  
給八字以姓得金鵲橋佳緣時道涕泣辭出至表剏  
寺坐席未暖忽有譏捕軍突入緊縛囊頭馱載驅疾  
不數日抵京具三木下獄蓋是時許獄多株連追捉  
親近儻從而時道緊入招辭故也及金吾鞠坐清城  
與按獄諸宰列坐羅卒提時道入焉時就訊者多清  
城不省其為時道也一次平問後下獄適清城傳餐  
婢即亡金奴妹也見時道鬼形署柳大驚歸告夫人  
夫人大矜惻抵簡於清城以警告清城始覺即命押  
入時道略詰無驗乃曰此本義士其心事吾所深悉

豈與於達謀耶即命解釋時道繞出門亡金奴將新  
鮮衣服已候之矣遂同啟其家接待極其意給行資  
及馬匹使之行商為業矣隆聞許之甥姪申厚載為  
尚州牧使往謁焉適七月七日所謂牽牛織女之相  
逢烏鵲成橋之日也既入州境適日暮馬疾馳而去  
從僻路入一村家時落後隨入則道馬已繫在廐中  
而見一女理織係於中庭避入屋中時道欲解馬絁  
則有姬自內出曰何必解絁馬則知所歸矣時道茫  
然莫曉其意拜且請曰未曾拜見莫省主母之所諭  
謂以馬知所歸者何也姬邀之坐曰吾將言之忽聞

牕裡有哽咽辭姬曰何泣也豈喜極而然耶時道益  
疑之亟請厥由姬曰豈於某歲客遇一女於金剛山  
小菴之後耶曰然姬曰此吾女也今泣者是也亦知  
菴僧之野自來耶此則君之江陵族兄也素以神僧微  
視無際知人將來毫釐无差嘗指吾女謂我曰此女  
此吾族弟廩某有因緣而弟從今以後有數年大厄  
若來依於我可以度厄而自致成婚然亦未同室其  
同室在於峇南尚州地某年某月某日也吾故將女  
就僧欲度厄而君果來過吾適出未及見厥后僧菴  
菴移去不知所向吾之子亦來寓此地寺宇吾故隨

來在此及至此日固知君之心來也因呼女出來果  
是楓山所覩者也顏狀益豐美時道不覺感愴而女  
悲喜交至揮涕而已勸進夕飯珍饌盛列皆預脩者  
也是夕遂成親僧所言八字之符皆驗矣時道留數  
日往謁尚牧言其事顛末尚牧大異之厚贈遺之時  
時道之前妻死已久矣而家則托族人守之時道  
遂與其女及母啟京復居于旧宅時道之名播於縉  
紳而清城之所以顧護甚者至家頗富饒皆稱以廉  
義士與其妻俱享福壽時道年八十餘死其子孫  
尚在安國洞

吳按使永湖逢薛生

光海時有薛生者居青坡富辭藻尚氣鄙業科而數  
奇不利嘗集楸灘吳公允諫甚善癸丑廢母喪作生  
慨然謂楸灘曰倫紀滅矣焉用仕子能與我同遊乎  
楸灘辭以父母在不可遠去閱月復過生已去不知  
所之逮反正後甲戌吳公按鄧關東巡到杆城泛舟  
永郎湖忽於烟濤杳靄之間有桴舟而來者及近視  
之乃薛生也公大驚延入舟中喜極若從雲霄墜問  
其所居地曰我居在襄陽治之東南可六七十里名  
曰回龍窟深僻人跡罕到但距此不遠不半日可往

還請公同往公從之薄晚抵山屏導從用僧肩輿入  
谷崎嶇數里有蒼崑陴立如削奇形壯勢駭目而中  
圻城門左右清流湧出石門之旁乃回龍也石路自  
崖圻處右折而上屈曲崦岩援葛攀木而進始有窟  
焉懸身偃偻而入既入則別洞天也地甚寬平土田  
膏沃人居亦多桑麻翳菴梨杏成林生之居當窟內  
之中心極華邃劉公上堂薦以山味珍蔬奇果香甘  
甚矣人蔘正果肥大如臂相携出遊林壑泉石奇恠  
壯麗不可名狀公慨然若入方壺自覺軒冕之為穢  
也公謂生曰山水清流固隱者之所宜有家計不饒

山中何以辨此生笑曰吾嘗遊處往來之地不狎此  
也吾自逝世以來恣意遊觀未嘗一日閑西入俗離  
北窮妙香南搜伽倻頭流之勝凡東方山川之以絕  
特聞者足殆遍焉遇適意處輒芟茂而等焉闢荒而  
耘焉居或一年或三年興尽輒移而之他以此吾之  
所居山之奇水之絕田廬之華曠十倍於此者亦多但  
世人莫有知者公見生之從僕皆俊美多習於管絃  
問之皆生之妻子美姬歌舞者十數皆妙麗公益奇  
之見生得意自顧塵累為之歔歔出涕作詩贈之留  
至二日始啓行約生曰後必訪我於京師其後三年

生果來過公二適柄銓曹欲薦而爵之生恥之不辭  
而去公乘暇踰峯訪生於回龍窟則已為墟矣生則  
不知所去人無知者公大歎異惆悵而返去

### 廬墓側孝感泉虎

成廟朝時湖南興德縣化龍里有吳浚者士族也事  
親至孝親沒葬於靈鷲山結廬墓側日啖白粥一甌  
哭泣之哀聽者隕涕祭奠常設玄酒而有泉在山谷  
中極清甘距家五里吳君必親自提壺汲之不以風  
而寒暑少懈一夕有群發自山中如電轉一山尽撼  
朝起視之則有泉湧出廬側清潔甘冽一如谷泉往

視谷泉已渴矣遂取用庭泉得免遠汲之勞邑人名  
之孝感泉廬在深山之中虎豹之所宅盜賊之所萃  
家人甚憂之既過小祥一日忽見一大虎蹲坐于廬  
前吳君誠之曰汝欲害我耶既不可避任汝所為但  
我無罪虎便掉尾低頭俯伏而跪若致敬者然吳君  
曰既不相害又何不去虎即出門伏而外不去日以  
為常至於撫弄若家畜犬豕而每當朔望虎必致一  
大鹿或山猪於廬前以供祭需周年而不一闕猛獸  
盜賊仍以屏跡及吳君闕服還家而虎始去其他孝  
感恩跡甚衆而泉虎事特其最著者也其時道臣上

聞於朝 成廟特命旌閭賜束帛吳君年六十五卒  
贈司僕正邑人享之鄉賢祠

延父命誠動天神

李宗禧全義人也九歲值闔室遭病其父母婢僕一  
時病卧獨宗禧未痛其父光國痛已久而未退熱氣  
窒者二日全身瘳冷而無省視者宗禧獨自遑。蹴  
起病婢急煮米飲訖將刀斫破四指血注碗中滿碗  
殷亦用箸啓父之齒攪和連灌用半碗已有氣息微  
微出鼻口兒驚喜遂尽用一碗父乃甦其翌日向哺  
氣又窒如前兒呼泣禱天又斫衆指於几上血大

出一病婢見之驚呼扶擁兒亟揮之使去母驚動家  
衆和血於粥又進一椀方進粥時忽聞空中有呼云  
宗禧汝誠感天上冥府已許汝父之生汝其放心勿  
悲痛家中內外病卧者莫不聞之皆曰長湍生負婢  
也長湍生負即宗禧之外祖尹謙其死已久矣其父  
得生即退熱日向蘓完而其母亦繼瘳宗禧事無不  
稱道里人遂狀報於本邑一倅大奇之列其孝行於  
監營道伯李醒龍命給復閭于朝旌其閭

得金缸兩夫人相讓

金副率載海以學問知名嘗買得一宅價可五六十

兩本主寡婦也金既移入以墻垣頽圯將等之命揮  
開北忽得一缸中有金可二百兩以寡婦是曰主人  
令其妻作書告之其故而還之寡婦大感且異之躬  
詣金室謂曰此雖出吾之田宅實久遠埋藏之物吾  
亦何可掩為已物請與貴宅分半如何金內曰吾若  
有分半之心可以直取何可歸之本主吾亦知非夫  
人之物而吾則外有君子足以理家雖無此物足保家  
業夫人無他持門者難為經紀家事幸勿辭焉固辭  
不受寡婦不敢復言雖持歸而感金公之德至深沒  
身不忘

採山參二藥高并命

有民金姓人居在永平以採參為業一日與其徒兩人入白雲山最深处登高俯臨則下有岩壁四面削立如斗其中人參叢聚甚美三人不勝驚喜而須無徑路可緣遂結草作樊繫以葛索推金姓坐其中懸樊而下金恣意採取作十餘束置樊中兩人從上汲引採盡兩人將參分取棄樊而去金不可復出四顧絕壁削立百丈除非揮刃無以出又無可食只得採食餘參或有大如臂者不火食六七日氣甚充塞夜則宿於岩底百計量度超出無策一日望見岩上林

木披靡有聲如風雨俄見一大蟒頭如巨缸而目如  
炬蜿蜒下來直赴金之卧處金自以謂必死而大蟒  
橫過其前直向樊索所下之壁其長可十餘丈而置  
尾於金之前掉之不已金自思曰此蟒見人不噬而  
掉尾如此豈有意於救我耶遂解其腰帶緊縛其蟒  
尾跨伏而牢持其端一揮不覺其身之已在壁上而  
蟒則入林不知去處金知其為神物遂尋回路下山  
則兩人皆躡坐大樹下金遙謂曰爾輩尚留在耶皆  
不荅至前視之死已久而其莽則無一遺失金莫知  
其故急已下山告于兩家曰吾始與兩人採莽同敗

嘔泄皆死豈誤食毒物而然耶所採蔘雖均分而吾  
何忍取之盡分給兩家以充藥需無一取取亦杜口  
不言此事兩家素信此人皆不疑迎尸善奠厥後金  
姓人年過九十強壯如少年生子五人皆積厚富厚  
孫曾繁衍雄於閭里本李聘錫家僕皆贖為良人金  
近百無病而死臨死時始言其事於衆子曰凡人死  
生富貴天神莫不鑑臨汝輩切勿生惡念以觸神怒  
如兩人者也

捐千金洪象胥義氣

譯官洪純彥當萬曆丙戌丁亥年間隨節使行入

皇京時有新起一青樓而門楣上懸一牌書以非銀  
千兩不許擅入中華蕩子輩皆以價重之故不敢生  
意洪譯聞之意謂舞價若是重大所貯女子乃是天  
下一色如軍傾城而傾國則千銀何足惜也試為入  
門詳細訪問則此非遊冶之娼家女即某侍郎之女  
子而某侍郎逋公錢累萬金方枷囚於錦獄擬以一  
律蕩盡家產徵及姻族而所不足尚三千金償命之  
外更無他道既無子姓只有一箇女子而姿色才華  
超出等儕其女子不勝悲寃欲為賣身得金脩納餘  
錢救得父命之計不得已有此舉云、洪譯聞之於

憐其情景不敢求見。女子直為出門搜得其行中諸人所儲之銀兩數滿千輸送青樓。後仍隨使行出來矣。其女子既不污身。空得千金充納。公錢救活將死之父。命感頌恩德。天高海深銘佩在心。不能暫忘。仍罷青樓。敎子本家。後為石尚書星繼娶。別織錦緞。每匹輒繡報恩二字。每於行人之便。申勤付送。課歲不廢。至壬辰倭寇之東搶也。宣廟播遷。龍灣寺僧請援於大國。伊時洪驛又為隨從。石尚書時帶兵部尚書。習聞洪驛之高義於夫人。且夫人聞洪驛之入來。懇乞尚書要其周旋。石尚書上告皇帝。下托朝廷。特

遣李提督如松平將軍三十餘員兵馬幾萬名以救  
之又降糧穀賞銀以為接濟之地竟得掃平寇亂肅  
清官禁 奎輿返京此固是 神宗皇帝字恒小國  
再造藩屏之恩之德出尋常萬二而石尚書夫人亦  
多有力云云

得二妻權上舍福緣

安東古有權進士早年上庠家計至貧又喪配耦既  
無子女又乏僮指身兼奴僕窮不能自存隣有常漢  
寡女姿色稍麗家貲頗饒青年喪夫矢不他適精潔  
持身村里忠少輩亦不敢生意權既隣居習知其狀

屢送媒婆以探動靜厥寡聽之頽然誠莫可奈何一日權散步庭中適厥寡過去而忽言曰進士王近日平安否一洞居生未嘗往來今適從客今日夕解纜喫吾家為好云云權常所留意而未及諧為今厥寡所言寔出望外真所謂童蒙求我寧不喜幸遂滿口許諾待日昃躬往其家厥寡欣然迎接延之上廳饋以夕飯與之共坐談笑厥寡忽曰進士王解髻編髮與吾換衣裳以為一時嬉娛如何權莫曉其意而不能違拒依所言為之厥寡遂携手入房卧之稠中又曰進士王先為就寢吾則裡急放便後當入來云而

仍為出去久不回來權滿心疑恠轉輾不寐忽於三更量窓外有喧嘩之聲眾丈夫一齊攔入蒙之以衾緊已結縛負而出街行數十里許入一大門擇一間淨室卸擔而解其縛權固料其惡少輩欲恟掠厥寡之計而要觀下回不做一聲任其所為而默察動靜則乃本邑吏房家也少頃吏房入來勸以米粥以為壓驚權緊蒙衾被不露顏面所勸米粥亦牢拒不飲吏房曰今夜則必驚恟未定心緒散亂姑使之安意就睡有一女息年及笄而未嫁者使之同宿一房以為慰安驚懷喻以事理之地權自是久繯之餘當此

深夜靜寂之時得逢未笄處女同處一房寧有無事  
虛度之理乎其處女携衾入房聽枕同宿而間以好  
言慰撫之舉衾接面撫其身體權引手携入共處一  
衾撫乳含口極其殊常其處女雖極疑恠既認以寡  
女之恟來豈有他慮務欲得其歡心相與戲謔不意  
中緊抱而脚狼藉搢會其處女雖甚恟恍驚恟以若  
柔弱之質怎當強壯之氣不敢發舞俯首從命一傷  
雲雨已畢不待天明即為出去羞媿欲死而亦不能  
說道於其父母權待日出擁衾起坐堆開前牕招來  
吏房大拜叱曰責汝欲以汝女納為箕箒之婦則從

容稟告聽其肯否而已何敢暗地深夜枷縛兩班與  
汝女使之同寢者此何道理此何人事吾若以此告  
官則汝罪將至於何境乎吏房始認以寡女之縛來  
詎料班民之誤縛耶聞其分付已不勝惶恟而擣首  
見之則即平日所親權進士宅事出不意同知所措  
寡女之枷縛兩班之誤捉兩罪俱發萬死猶輕伏地  
戰兢告以死期將迫躬犯囚赦之罪生之赦之恭族  
處分云哀乞不已權仍索取衣冠語之曰究汝罪狀  
死不足贖而既與汝女有一夜之緣亦不無人情當  
十分參酌特為安恕然汝之庄獲產業必折半以給

汝女已二亦須備轎馬當日送于本宅為可也吏  
房苑中得生萬分喜幸稽首稱謝唯令是聽權待其  
朝食後緩步啟家其隣寡女亦為來會言曰吾自喪  
夫以後誓不更嫁立心既固萬言難回矣日前風傳  
本府吏房將於某夜行盜劫之事云聞甚驚悚而身  
既寡弱若至此境則一死之外更無他道然而人命  
至重豈可浪死且念與其逢辱於強暴無常毀節於  
隣班又熟知進士主之留意於吾故果誘致吾家援  
着衣裳假粧女人之貌身即逃禍幸免當夜之厄而  
進士主則雖經一時之橫厄因緣此會又得一處女

亦豈非幸歟然吾以守寡女之無端與隣班携手而  
入挽衣而着平生貞節毀敗無餘今則將與進士主  
同居以生云二少為吏房治送其女權進士以窮繹  
身世一朝得二小星大喜過望弄幸二妾而隣寡既  
不貧且吏房之分財甚饒足以比猗成富家翁安享  
平生子孫亦盛云二

安貧窮十年讀書

士人李某家在南山下安貧好讀書謂其妻曰吾欲  
十年讀周易君能繼我蔬糲否妻諾之李生遂閉戶  
入室封鎖甚固穴窓望容一孟俾饋朝夕之餘讀易

不撤晝夜無斷至間七年從牕隙窺之有一光頭僧  
頽卧牕外驚恠出戶視之則乃其妻也生曰此何狀  
也妻曰吾不食已五日矣七年中饋一髮不留今則  
勢到弩末奈何生歎息出門直至國富洪同知家謂  
洪曰君與吾雖是素昧吾有用途君肯貸我三萬金  
否洪熟視良久許之曰百餘駄之物區處於何處乎  
生曰今日內馱送于吾家也遂敗家俄而車輸馬載  
未暮畢至生謂妻曰今既有錢矣吾欲更為讀易以  
滿十年之限君能取殖此錢以繼朝晡否妻曰此何  
難也於是生還入室中依曰呶吾妻質賤賣貴兼治

產業三年之間剩錢為屢萬矣生讀畢始掩卷而出  
駭其錢往洪家尽給之洪曰吾錢不過三萬此外不  
可受也生曰吾以君錢殖利至此亦君之錢也吾  
何可取之洪固辭曰此乃貨也非債也何論餘利只  
受三萬兩本錢生不得已還持其剩錢而來與其妻  
撤入家閨東深茨中大拓基址新構甲第廣置閭舍  
募民入處居然成一大村落矣閨草萊開荒蕪無非  
膏腴之地歲收穀幾千石衣食豐足一生安過壬辰  
之亂生民魚肉而生之一村獨不經兵燹此是山桃  
源云

善戲謔一時寓居

璽院直長李鍾淳當直都事韓用鋪來會于尚方直  
所時直長崔弘坐入直以提調分付將筭妓二十  
李力挽之崔曰昔申晴泉維翰監延日縣時往謁巡  
營妓適犯科按使方筭之晴泉固請勿治按使曰其  
罪不可恕也晴泉曰彼有至宝使道何忍筭之古語  
曰奇貨可居下官欲居其中虜有一妓笑曰進賜如  
欲居此祠堂將何處營造乎晴泉曰恠哉爾言一時  
寓居安用祠堂為也云云君之意亦如晴泉否李顧  
謂韓曰君須挽之韓曰君何不挽而使我挽之手李

曰吾則原居人君是寓居人韓居在原州在京族宦故云在一座絕

倒

### 文有米出家辟穀

文有米尚州人也有至行曾居父憂廬墓三年跡不到家服闋始啟則其妻黃氏失行產一女文生黜之黃仍逃匿黃之族疑生殺之詣官告訴不得其案拘囚七年趙尚書正萬為牧使時知其寃譏捕得黃女枕殺之生遂放釋仍出家棲止山寺行辟穀法不食十餘日一食輒進五六升行步如飛日行四百里冬夏一單衣不知寒暑常著木屐流周四方然玉白紅

類儀度端雅見者皆悅之庚戌冬至海州神光寺時  
大雪生服單衣袴而略無寒色僧皆異之及設食解  
而不食夕將寢僧引就煖處又辭而處冷地獨坐徹  
曉不寐時雨雪不止留三日而不食不眠僧輩皆知  
為異人齊進言曰此寺雖貧豈無一時供賓之資而  
生負留三日不食寺僧有何得罪願聞之生笑曰我  
亦多食諸僧必欲食我各以一掬米合炊以來數十  
僧各出米若干可一斗作飯以進生洗手就鉢作塊  
柴而吞之旋啖煮醬漬更而盡諸僧莫不驚恠生食  
畢將去首僧發一健步者踵其後生至石潭書院拜

謁而題名尋院錄始知為文有朱生行步迅飄倏速  
僧不可追敢遂云生居常戴蔽陽子衣葛布着木履  
而其行如飛性甚靜厭喧鬧非僻處空菴則不處焉  
秋冬之交上一絕頂廢寺而雪積路塞便無拜息諸  
僧皆云處士必凍死及至回春雪融即往訪之則生  
以單布衫厚積落葉蕭然危坐顏色敷腴無凍餒色  
狎坐孤菴念誦之聲鏗如金石或有聞者即撤有經  
師欲與論難荅曰只能讀不知其旨終不與酬酌莫  
能測其淺深自白華移處摩訶未幾而逝蒿葬于拜  
站已多年而無返葬之人云金百鍊曰聞楓山僧言

文生一日狝處入房命衆僧勿近夜半忽聞屋壁震  
坼若霹靂聲而室內通明如白晝光徹大房僧徒尽  
驚就見則文生目已瞑蓋解化也其所謂大休歇處  
果如其言而乙卯西関之行其亦去而即還也金仙  
臺即韓無畏遇郭致虛之處也文生豈亦見傳道錄  
乎其所讀唐板可知為東華篇也余見彭祖經橘青  
精先生得道者日過五百里能終歲不食亦能一日  
九食明初張三丰日行千里辟穀數月亦能日啖數  
斗隆冬卧雪中此皆服氣所致與內鍊金丹門路懸  
別文生所修豈此道耶以此解化例有屋裂聲

蔡士子發憤力學

灵光有一蔡姓士人業文頗勤終無所成晚有一子  
不復教書所望者成長繼嗣也子未及長而父死然  
家頗饒不學而能守世業一日里正來示都牒請問  
辭旨蔡取看久之還擲辭以不知里正咤曰名為士  
子而乃不知一字耶如許士子何異犬羊蔡不勝慚  
恨不敢出一拜時年四十隣有訓蒙學長蔡生即挾  
史畧初卷詣而請學長曰君年豈初學之時耶蔡  
生曰年雖晚識字則幸矣子但教我學長教以天皇  
氏一行兼字與義生讀訖輒忘之又教又忘學長曰

此不可教辭之奉生起拜固請乃復教終日屹々望  
得曉去至三日始來學長曰何達也生曰患未能熟  
曰讀幾遍生曰但以萊豆三升為計矣既皆誦訖又  
教地皇氏人皇氏讀頗順翌日即來而萊斗之數  
減至半升其後日漸就長蓋至誠所發文竅自開故  
也讀至半卷文理大達既讀盡七卷又讀通鑑全秩  
誦之精熟既博通四書三經讀凡七年而以四書疑  
中進士又五年以明經登第時年五十二也未久調  
縣宰生訪里正已先而有子在矣召而謂之曰我非  
汝父之辱何以至此恩深大矣遂卒赴其任留之屢

月供饋甚厚及其旼也給以數駟

退田野鄭知敦享福

陽坡鄭公太和先君知敦寧公退老水原素阜村陽坡以其長子身為上相佩國家安危數十年陽坡長子叅諷公載望晉侍左右動靜致養公性儉素所覆木綿衾年久弊甚嘗語叅諷公曰吾身後小歛當用此衾所坐褥弊則移坐一邊令婢補縫教子弟甚嚴其仲子左諷政致和曾為閩西伯徃辭為適當秋獲公語之曰汝兄有子晉行汝無子宜徃看秋獲諷政公不敢辭張蓋壠上終日坐撿不怠至今稱為美事

敦寧公福履俱全長子為領訖政次子為京畿監司  
時第三子叅判萬和登第陽坡率其弟新恩及第啟  
謁水原上相出則道臣例當陪行書於朝紙曰領訖  
政謁親事水原地出去京圻監司鄭某領訖政陪行  
事出去兄弟三人一時簪花我國風俗每於慶科雖  
官尊者有先進則輒呼而進退之是時敦寧公雖遇  
膝下之慶儼然不動他人不敢呼出上相有一家側  
室性慧者曰今日雖訖政安可不進退守人無呼者  
我當呼之高舞領訖政呼新恩來陽坡遂僂首趨而  
進其榮耀盛滿如此其後近百歲世襲卿相子姓蕃

昌冠冕延綿此皆敦寧公家法謹厚勤儉世守之效也

識死期中丹村知音

申曼字曼倩落拓不羈善醫人一見知其死生曾於歲首往拜其姑母李副學之恒夫人適有李家族人歲拜者夫人當門而坐客坐廳上申偃卧房中聞客與其姑母酬酢之音申從房內厲聲曰廳中之客未知為誰而四月將死矣其姑母問其元朝作不吉語輒呵之曰此兒狂乎因安客慰客亦知其姓名故但強笑曰此是申生負乎遂辭去副學之孫留守李公

震壽年纔十歲間曰哉者申叔之言可異何不命藥而  
活之申笑曰此兒奇哉欲活人手取醫鑑來適家無  
是書李公年幼未得借來遂因循更不提是年四月  
其人果死其後問於申荅曰其人患疝症已形於葬  
者計其日月似當於四月間疝氣逆上至頸則必死  
故為言云李公嘗言其人適遇神醫而不問可生之  
道其死宜矣

### 毀淫祠邪鬼乞命

鳥嶺之巔叢祠在焉頗靈異前後觀察嶠嶺者廷于  
此必下輿膜拜醮錢賽神否者踵罹奇禍近古有一

方伯剛果堅確未嘗以禍福怵於心其之任也過祠  
下將吏交謁更進以故事白方伯斥其妖誕一馳而  
度行未到牛鳴地果有迅風急雨集于車下衆大悞  
方伯令騶者焚其祠違者殺之衆皆勉強從之俄而  
萍井離薨俱為一炸冷灰仍趣駕戒行宿于開喜館  
夢一老人來刺曰我爲嶺之神香火空山廟食百世  
君既不為禮又燬其巢吾當陰誅君之長子果報此  
寃方伯叱曰牛鬼蛇神占據淫祠我奉命巡按除妖  
祛害以修其職爾敢唐突控訴簧鼓邪說冀欲驚惧  
乎鬼怒而去左右攬寢曰大郎君因路憊纏病忽至

沉劇方伯往省則已不可救矣哭而殯之轉赴本營  
是夜鬼又入夢曰君如不悔前失安我英靈則君之  
次子又當不祿方伯毅然不動此退如前睡未覺而  
家人又告二郎君暴逝方伯又痛悼庀喪居無何鬼  
又來曰一摘再摘君之子葉漸稀矣第三郎又當次  
第被殛而事既酷烈特來告先須速營我廟用免此  
禍方伯無少撓奪辭氣漸厲鬼萬般脅勒眩幻其說  
方伯大怒欲手刃之鬼退伏于庭曰儻此從永無依  
敢矣儻不能禍福人而惟能揣知人禍福尊家瓊玉  
命當夭札鬼符且至故儻貪天之功自示威柄而至

若第三郎居位當調勻十鑪鑄貨豈敢有犯也今此  
說說恐動許出孤注而大人守正不回難欺其方胤  
茲以商永辭軒下笑方伯曰汝久棲荒祠閱盡千劫  
我豈欲造次撤毀而深怒於汝者以其欲妖術制人  
也今汝自述妖狀刺有惻怛當重構汝宅不使一物  
失所而若又侵毒行人不悛前惡當即毀破永不饒  
寬耳鬼感泣而去方伯更建廟宇塑其夢顯之像自  
後沆無鬼患方伯之第三子年位俱隆一符鬼言云

吠官庭義狗報主

嶺南河東地有一守鄣寡婦女只與一幼女一童婢

同居矣一日夜隣居某甲踰牆入寢內欲強劫之寡  
女抵死牢拒某甲一釘刺殺之并殺其女與婢而去  
其家無他人二無知者三屍在房至寃莫暴官門外  
忽有一狗來往躑躅聞者逐之則乍去旋來終不避  
走如是者屢官家知之恠其狀使之任其所之狗直  
入官門至東軒前仰首叫嗥若有所訴官家命一校  
隨狗徃見之狗即出官門行至一小屋房門深閉寂  
無人群狗牽校衣向房門去校疑之開戶視之則房  
中看三箇屍流血滿席校大驚敏告其由官欲為檢  
尸火速馳徃依幕於此隣適某甲之家也某甲見官

卷之八

家臨其家蒼黃趨避狗直走某甲之前咬噬某甲官  
家恠之問曰此是汝之讐人乎狗點頭官家遂挺下  
某甲嚴加盤問不下一杖箇二首實即報營杖殺之  
厚埋其屍狗走至墓旁一場悲叫而斃村人埋其狗  
於墓前題其碑曰義狗塚昔善山義狗隨其主徃于  
田其主侵暮醉斂僵卧於田中通野火起將延燒於  
卧處狗以川水濡尾漬其旁得滅火力盡而斃其主  
斃而知之此地至今有義狗塚噫善山狗之救主死  
而不恤自死誠得報主之義而河東狗則初既訐寃  
於官家末又逞憤於讐人賴以報其仇而償其命孰

謂禽獸之無知而乃若是乎此諸善山狗亦勝矣  
南雖是士夫之冀北而亦何多義狗也

關西伯駟騎馳妓

讓寧大君 英廟之兄也嘗呈告遨遊於關西 世  
宗臨別申戒女色大君祇謝而去上命關西道臣大  
君如有狎近之妓使之馳傳以上大君奉聖教嚴勅  
列邑屏去房妓方伯守令既奉上命故募得美妓使  
之百般揶揄大君至定州有一妓素服号哭大君見  
而悅之使人潛作階筵而招之自以為鬼所不知夜  
與狎焉贈一律有曰明月不須窺繡枕夜風何事捲

羅禕蓋道其隱密幽深之意也其翌日道伯遂以駟  
騎馳送上命日夜習歌其詩及大君啟上迎勞因  
曰別時戒色之言頗記憶否大君曰小臣謹奉聖教  
何敢忘之不敢有所近耳上曰吾兄能於繡幕叢中  
深戒而還為是嘉悅購得一佳姬以待耳仍設宴禁  
內令妓歌其詩以侑之大君既夜而昵近初不識其  
面目聞其詩下階伏地待罪上自下階握手而笑遂  
以妓啟之生子不識其母鄉貫命之曰考定正今李  
令夏其後也考定正以狂宗質魚肉而不好則雖烹  
熟還退故俗稱強易為考定正交易李叅政令夏嘗

與其夫人圍碁強請還退其夫人曰君是考定正何  
為每亡還退乎李怒曰何以圍碁之故而罵人之祖  
乎是故李登第以老妻推枰為戲題云

清州倖權術捕盜

李趾先以善治名決訟如神莅清州時有一衲入訴  
曰某以某處僧賣紙資生今日場市負一塊白紙來  
憇市旁暫為釋負矣旋即回顧則紙塊已不知去處  
四面搜索終莫能得失此資業萬無還啟之望伏乞  
推給活此殘命云亡李曰汝不能善守而見失於人海  
之中雖欲推給將問於何處乎須勿煩聒即為退去

頃之因事命駕於十里之地薄昏還衙見路旁長丞以手指之曰此是何物官行之前乃敢偃蹇長立予下隸曰此非人也即長丞也李曰雖是長丞亦是倨傲使之拿來拘留於外以待明朝而亦不無乘夜逃躲之慮三班官屬除官門待令外一并守直可也官隸輩雖齊聲應荅而皆面二竊笑無一人守直者李固揣知其如此及至深夜使伶仃通引暗地移置於他處翌日早起開衙号令羅卒使之拿來羅卒奔往其處則朱髯將軍已化為烏有先生笑始生疑惻通索近處官家号令急於星火羅卒輩不得已見失之

由入告待罪李乃佯作忿怒之色曰身為官屬不遵  
官令不善守直竟為失之不可無罰自首吏以下各  
納罰紙一束即刻待令如有不納者當以笞二十度  
代之於是三番下人盡皆納紙頃吏積置官庭即令  
招昨日入訴之僧使之下別渠所失之紙於此中僧  
紙本有所標隨其標出手探出數滿一塊李曰既索  
汝紙頃速出去後小心謹守毋作如此歌后此其僧  
百拜致謝而去李因覈其紙束所從來則即市邊店  
一無賴漢所竊取者輸置渠家適當闕紙督納之時  
紙伍甚翔遂盡發賣矣乃捉入厥漢治其罪而徵其

仙分給買來之官屬其餘終未并令所納諸人各自  
取去於是一邑吏民皆伏其神矣

乞婚需朴道令呈表付官表乞

洪州邑古有朴道令早喪怙恃家勢赤立多年入宦  
年過三十尚未嫁姪而適有一婚處然赤手空拳分  
錢難辦不得已做一四六之文呈于本官曰自父祖  
本來艱難已媿三十後長嫁定婚姻例事扶助敢冀  
多少間處分洞燁下情特被上德伏念民人事多白  
家門不青五臟吐迷粗知十五行反切兩拳火出初  
無一二分度通至今婚處之不宜非但妻官之多柔

安約正金風憲此皆不顧於娶渠許座首權別監彼  
亦無意於婿我頭上之加冠已久人或疑其喪妻脚  
間之同甲夙成孰不寬其無子寡婦家獨女婿平生  
之至願蹉跎大匠宅兒婢夫邀方之蹤跡跼蹐所以  
上下奇不及每被今年虛過稠人廣座牛酒不飲  
而面熱狝宿室房裡煖雖暖而心寒曾未過襁褓中  
孩兒宋神宗之天緣何在尚不知衣裾下珎味渠處  
士之人生可憐心懷惡時豈無拳夫人之戲兒童建  
處難堪老都令之補虎狼之晨勢正竊譏眾之昏處忽  
出卜子夏暖木賜木卜之姓字雖同陽山郡華陰州

陰陽之質本則異才二八之阿只氏固知未及經人  
近四十之老新郎也曰丁寧無室四柱不退切自喜  
人無間言三堂相符是所謂天定配匹第令兩閨外  
無物實是九面內所知駭州從兄果無狎辨之形勢  
加年族丈每挑中婚之已切彼既骨餘之兩班難蒙  
肉德此亦推止之狎脚未需酒盃借足以着之道袍  
姑舍礼不可廢也納幣將何幾年一念之經營今日  
百事之憂患先進輩酒餽債將來無堪當之方新婚  
時塩醬憂已徃非經歷之事分錢尚未入手冠帶費  
不給亦難尺布初無掛身衣袴次未備尤悶瞽子之

惻婚取成藉一砥平官之群譽巫女之和奸作戲吐  
橫城倖之風情前有召父後有杜母官家之子視  
亦多內無怨女外無曠夫廊廟之申飭非一排荆条  
下記外必有四五斗之剩餘除番布工秩中豈無六  
七升之堪用晉哀公之絕文久矣此亦細一忝商孟  
嘗君之出處尤難伏乞多一益辨前聖豈欺余哉百  
姓悅好色之此共後生將為往也七事壤戶口之必  
增俾當五月前上龜敢不百拜後奠雁陽剛不足縱  
媿為人少天陰德難忘庶幾極力報地云一本官見  
之非但情理之可矜深嘉其僂文之精工特為題給

錢貫米色以助其需得以娶妻居生云甫

李廷濟之子昌元以四十窮儒名不掛榜又無攀援  
未嘗一擬於初仕矣時適兵判出於一洞之內而其  
都政有四山監役二窠昌元萬分一乃生偉望遂賦  
長儼一篇以呈之兵判以同閑之故雖未嘗一識其  
面而夙聞其貧窮之狀而曾所矜念矣見其表詞近  
滑稽對耦精工遂於都政排衆首擬得以筮仕云其  
表曰文短蟹尾望切顯達窠缺犬項冀加填差惟大  
監哀之憐之即小生命也福也伏念小生殘山斷壠  
之餘脉監臭蠹種之孱孫六品先徵常捫北京懸來

之鼻一室賢助恒誇南門高掛之間徒緣春強鉄之  
數奇遽爾秋網太之年滿人物勃若自許百執事可  
堪命途嗟郡尚此初付賤不得尹雲中之冠帶試着  
朴守僮之窺見堪羞陵叅奉之運數先推吳判守之  
質言無驗人皆食祿發賣冊幼學哀殘兒將娶妻上  
尊芳生負愁痛大小科盡讓於同接我獨作豐年乞人  
門戶計惟望於後承人或期名寺古佛木天際遠尹  
慶之翰林此生已休玉壺清涼華瑞之別提即景堪  
羨特因朝家之不數每恨仕路之尚遲翁歌后叔不  
知連臂無路兄長醉弟多病出力其誰家有尚書未

獲一命之沾祿代無顯物還羨伯氏之過房閔王示  
識曾驗一二年之頗吉同友觀相每說三十運之稍  
通幸茲西銓相公即我同閨尊長猶子視父上宅爺  
季氏台如兄若弟恭奉公正郎位門下出入常仰視  
骨肉之恩兵曹座定席遂改名字之願常乞德於腦  
裡豐山守之入仕何時輒虛發於年來蔡湖州之除  
或專恃公座簿朔數已滿縱聞假監役之當遷老少  
論情誼不通其奈大家宰之異色惟今番四山二窠  
即小生千載一時逢此好機寧禁老處女之噉嗅稱  
曰進賜庶免生書房之終身空家之嗔罵如奴正坐

科二落榜身勢之佳處無地案緣人二得官伯禽才  
離馬曹養親之葛豆垂聲仲羽已解魚緩原婢之泰  
稷誰輸茲將切迫情由敢以銓次告課所謂平生微  
分茅援為之至若一家尊行不足數也所望至此不  
可為希覲功名其情甚憐抑或謂冒沒廉恥烏紗帽  
黑角帶金和叔之前着方閑紅團領青氍衣阿只氏  
之豫脩已久倘於都政之日特蒙差除之恩政廳使  
令喂婢之群數貫錢何惜山直軍士問安之奏一瓶  
酒無難公道方恢邇方之武士亦皆收錄朋友素審  
故人之穉子豈忍忘遺茲敢重言復言毋撓副望末

望如果求賊得賊敢不知恩報恩賊務所閑巡山豈  
待漢城府中飭恩澤同極禁松當於延禧宮絕嚴

呈曰僚鄭司果戲墨

鄭司果顯夔以前啣叅奉癸丑年用都監乙造官勞  
陞六品付虛司果至丙辰尚未得復職而其時同僚  
三四人亦一体沉滯鄭司果以呈曰僚俳諧文為題  
而做四六一篇語近俳優雖以呈曰僚為言而案則  
自鳴其一已不平心事也其辭云乙付我如待闕仙  
雖無妄想及第或出公道猶有俸望何必念絕榮途  
且莫徃尋鄉路惟兄早升工舍新進南行策表詩賦

義聚之每文宗才部製到記庭謁之逐年虛度僅得  
黃楊木牌号尚逢紅唐紙題名恭奉初不求為粹然  
寢獲生病霍味都無見者殆若夢膏歆郎迺者上尊  
号都監恭以副司勇進賜玉策金宝次知監造官一  
房紗帽木靴勤仕司譯院三朔屬茲別單書入遽荷  
陞六傳教主簿佐郎庙令陵令為先東方朔制栗縣  
監郡守府使牧使次第車僉知摘茲奈此虛司果陷  
身無望斗糴米充腹向來連三窠區處縱賴領閭丈  
善心今為無一箇舉論都緣難歧人疾足郎勿拘  
常格每見後出角尤高計仕不許前啣任他外鑿井

獨汲偷政出以別復亞三銓私肉輒為正蔭望之落  
瀕凡幾年措手不得嗟蟹網之俱失何牛芻而無期  
官方何時更張待者胥生松樹宦路到此全壁已矣  
頭為惹根衆求難防人莫不有杖刺眼百計沒策僧  
何能自手削頭自來如蟻會塔之功未免逐鷄望籬  
之歎儕友侮弄賴是鼻兩孔善哉婢僕怨咨不曉眼  
雙柱突上殘蔭無異枳塞安用梁錢一坪上策莫如  
檀公素乏唐錢半分縱若走牛之亘尾得無悔麝之  
噬膺秋月春風等閑金剛亦是食後綠水青山景畝  
去漢陽城如在夢中登樓若至去梯兩等狗上下不

及觀賡待出繼糲浚市餅大小何知牛出顧天可以  
待笑魚樂游水捨此何之惟願丁年春三特忝甲科  
第一門前報喜顛倒糞腹下任街上呼新跳躍輶脚  
先進六曹判書兩館提學朝暮可期四都留守八道  
監司草芥如拾平輶蕉扇可開設政府大門滿梳酪  
漿至為靈壽閱肅拜茲將舊僚好誼庸效老倡德譚  
二眼勿煩一笑何妨

時洪中軍塲塾伏鄉廬見其文以荅俳諧為名而又  
做一篇其辭曰對以武來武文來文豈敢出反乎南  
仕可遲則遲速則速只宜笑罵從他言亦復佳詞當

解揆念赤立身世白首蔭官以若謾或閑司類非架  
底匙易得及其雄州巨牧自分天上推難縣竊惟恭  
奉仕支離尤難六品窠甄復單衾屢弊於指計初願  
則濟用奉事尚瑞直長萬貫每思於腰纏次第是江  
西縣令清道郡守馬糞投井愧屠漢之柳枝鶴髮如  
星嗟農夫之麥草屬茲監造之竣役幸蒙陞叙之酬  
勞副司果空帖徒存便同納粟堂上五斗米殘廩并  
失還是無大夫祿得失安知福乎不必鯉躍而鱣躍  
先後何足計也終見馬之亦牛之肆當公道政司之  
時佇期寒酸進身之日何論身數之否恭嗟百年南

柯夢覺來自笑宦途之蹇也伊萬念西陽風飛去名  
利場看作桃李曾未見擲帽之人查頓宴分排梨柿  
竟誰是廣裳之客何國勝自知之念特示惟汝諧之  
文發願寔出於慈悲始覺南彌陀因果德譚或近於  
嘲謔絕勝東方朔俳優自是一龍亦數存何必山頭  
家頃雖至十生而九死有難天方地方此誠同病相  
憐之情便是欲哭被打之格石佛之點頭是望且觀  
未來金人之絨口惟思勿論已往少也晉步之自許  
期雁塔之題名今為復戕之猶難等鹿皮之曰字君  
無曰前言戲耳我則當若固有之茲蓋先病者醫製

表才士聞而知十何異左手奉鈴事皆證參有同右  
史載筆遂推仁心所發特憐牆壁無依敢不一生未  
忘百拜致謝當春培秉公之試竊祝及第壯元念朝  
廷得人之休尤貴古家大族

授良劑病有年運

銅峴有一葉鋪一日有老孺究弊衣草屨只似鄉愿  
突如而入坐於室隅口無一言移晷不去主人恠問  
曰何處客主以何事來臨孺究曰某與客約會于此  
故今方若企淹留貴肆心切不安主人曰何不安之  
有至食時主人請飭則不應之走出門外以井錢買

酤于市舖而復來疑坐如前如是數日所待之友終  
不見至主人雖竊恠之而亦不敢辭却也忽有一庶  
人曰妻方臨產猝然僵卧不省人事願得良劑以救  
此急主人曰爾輩無識也謂販藥者能通醫述有此  
來問然我非醫也而知對症投劑乎若往問醫人出  
方文以來則當製給矣庶人曰本不識醫師門巷望  
以一劑活人學究勒說曰若服藿香正氣散三貼則  
即愈矣主人笑曰此是消痞解鬱之方若投產病則  
便同水炭君徒習於口而發也學究固執前言庶人曰  
事已急矣雖此劑萬望製給因問價投錢主人不得

已秤量與之向夕又有一庶人來謁曰某與某甲隣  
居某甲妻方產垂絕幸得良藥于此舖得以回甦此  
必有良醫故欲謁身某之子方三歲患痘瘡方危處  
望以珍劑救治學究曰亦服藿香正氣散三貼主人  
曰庶人輩未常服藥故其強壯者或以此藥收斂而  
至於襁褓之兒決不當服此況其症形不啻千里之  
差乎庶人固請主人又與之既而庶人來告果得立  
效自是聞風者踵門而至學究莫不以藿香正氣散  
應之無不良已捷於桴鼓殆近數月學究未嘗去所  
俟客亦不至一日有一宰相之子乘健驢入門主人

下堂迎之洒掃惟勤舉家奔走先後而學究狎坐木  
櫃上不動一毫宰相子曰親濟沉綿已經數月百藥  
無效元氣漸下昨邀嶺南一儒醫命補劑而醫言陳  
根腐草難以得力須親造導肆故擇新採之劑依法  
妙劑可望收效云故有此親訪主人須極擇良品接  
方製藥宰相子低聲問曰彼坐櫝子上者誰也主人  
曰此間有異事遂述前狀宰相子乃整襟詣其前備  
告其親症候仍請良方學究無所改容但曰藿香正  
氣散最佳宰相子暗笑而起貼藥而回仍使僮輩煎  
藥復向其親語及學究事而一笑矣宰相曰此藥未

必不是當劑試服之如何其子及門人僂輩交進告  
曰積敗之餘何可服消散之劑決不敢奉命宰相默  
然既以熨藥以進宰相曰所食不下姑置卧內迨夜  
仍暗覆之使左右潛製藿香正氣散三貼混以為一  
以大鑊合而煎之分三服之詰朝起坐則神清氣逸  
病根已釋其子候起居則曰宿疴已祛牀矣其子曰  
某醫真和術也宰相曰非也藥肆之學究未知何方  
人而真神醫也仍言覆藥而煎服正氣散之事又曰  
數朔貞疾一朝冰釋恩莫大焉汝須親往迎之可也  
其子承命而彼極致感謝之意仍請偕往鄙家學究拂

衣而起曰吾誤入城闔致此污穢之言吾豈作媒中  
之賓耶遂飄然而去宰相子憮然而退悵告其由宰  
相益嘆其耿介拔俗之士矣既而 上候遠豫轉輾  
沉萬良醫迷其所向舉朝莫不焦遑其宰相時任藥  
院提調適感學究事因入 診口達上曰此劑未必有  
益亦無所害仍命煎入進御而翌日乃瘳上益嗟異  
令之物色而訪之終不可得識者曰此異人也蓋醫  
書有年運之循環一時之間百病雖異而其根則年  
運之所使也苟知其年運而投入觀合之劑則雖不  
相當之症無不有效近世業醫者全昧此理故但隨

症而試藥治其末而捨其本所以麥浪殺人也此學  
究必預知上躬之當有警度而非此則無以能救  
故假此以自達耳

失佳人數歎薄倖

李崇福儻輩也自童穉時善讀諺書稱官其葬或如  
飲或如怨或如笑或如哀或豪逸而作傑士狀或婉  
媚而做美娥態蓋隨書之境而各逞其能也當時豪  
富之流皆招而闔之有一吏胥夫婦酷貪此技哺養  
業福遇如親黨許以通家胥吏有未算一女端麗特  
秀燁乎如花溫其如玉崇福心癡神蕩不能定情每

以秋波挑之女輒正色不應一日胥吏遇鄰日闔家  
上塚獨宿閨裡扃鑰其嚴業福踰牆潛入卧内女方  
酣眠業福乃卧其側樓抱其腰女大驚蹶起曰汝是  
何人曰某也女怒而鎗灯槩打之曰汝因念我爺娘  
之情摯欲為狗彘之行乎業福挺身受杖曰娘子之  
罰其甘如飴女愈怒猛擊以至面門剝傷業福但以  
柔辭婉色曲解之女性本荏弱且生慈悲之心投身  
于床曰任汝為之業福乃恣意淫弄極其醜狀女歛  
容而起曰既愜汝願快去勿留業福曳勉而出翌朝  
家人盡還業福俟起居于女之母女待其傍玉顏慘

快香愁鎖眉如一枝艷花朝帶寒雨零態可憐業福  
退而愈不忘乃寫一緘芳信乘間潛送于女蓋約會  
東園也女果如期而至恍惚獨語神不守舍業福曰  
娘子舉止奈何異常女曰適聞西王母遣使傳語曰  
汝被人誘脅受污蠱大質已虧怨債累多其令歸  
隸仙府永謝塵緣云故將欲隨使者而去身業福笑  
曰使者安在女指其旁曰使者在此因向空笑語媿  
不倖旋脫自己玉指環作授人狀又若脫人履鞋  
試穿自己之足情態千億而聞不見一人業福曰娘  
子與誰款洽女笑曰瑤池使者也業福大惧而出女

自是竟日獨語皆不出使者說也一日晨起忽不知  
所之父母亦莫省業福為禍階蹊跡之而終莫能得  
業福嘗言渠數薄倖如是云云

托終身女俠捐生

李叅判直德号冠陽承命廉訪北關秘跡潛彰撫常  
艱難盡採守宰之臧否風俗之頑柔將到咸興露跡  
決事乃與數人暮入城內只見居民奔走叫誅曰舖  
衣今日將到李公訝惑不定曰遍行一道未有識破  
我者今此喧聒或緣於從者之有泄耶乃還出郭外  
竊詰諸伴未有端緒過了數日復入城內方始出道

判決公務且問邑吏曰甬甯曩曰何由知我來吏曰  
滿城喧傳未知先出於何人之口李公命採報言根  
吏退而窮探則案七歲小妓可憐先唱也入悉其狀  
李公合可憐近前曰甬絲離襁褓何能辨得使星對  
曰賤人家在街頭向日推窗而窺則有二乞丐并坐  
路側而這裡一乞丐衣履雖垢獎雙手甚是白軟故自  
疑曰凍餒執役之類固當胼胝黝黑詎能如此也訝  
惑之際那乞丐解衣捫虱旋即欲看則其旁一乞丐攝而  
衣之執禮甚恭正若儻惻之於貴者故始乃牢信其  
為繡衣備告家人則頃刻喧傳以至一城紛拏云云

李公大異其頴悟極其愛憐及還贈以一詩妓亦服  
公之文華隗字有托身之意年既及笄猶自守紅帷  
待公言誓不許人而公則寀未能知也迨夫公坐事  
竄咸陽寓住一吏舍妓親往趨侍朝夕不捨公亦深  
感其誠然自公身罹罪戾不可昵近女色與之周旋  
者四五年未嘗及亂妓益服公之偉度欽歎乎感公  
嘗令他適而抵死不聽妓慷慨磊落喜誦諸葛孔明  
出師二表每清夜月朗為公一唱音吐清磬如白鶴  
唳空為之泣下霑臆隨吟一絕曰咸陽女俠滿頭絲為  
我高歌兩出師唱到草廬三顧地逐臣清淚萬行垂

一日公蒙賜環之恩將還始得繼續而公曉之曰吾  
行有日雖欲將汝偕焉有命屬身載妓後車吾所不  
為悌田後必當力致汝于家母恨稍遲妓喜動眉睫  
慨然領諾而公啟未幾因病捐館妓聞凶音設祭長  
慟引決而逝家人葬于道側後朴文秀出按北泉過  
其下題其碑曰咸關女俠可憐之碑

擇夫婿慧婢識人

古有一叅政志養萱闈而公擾松務鎮日叅集未暇  
左右恒侍家畜一婢年纔及笄容姿豐艷性度聰慧  
善承萱闈之志飢飽寒煖隨宜管領坐卧動息相機

扶擢萱闈以是而自適參政以是而悅親家人以是  
而代勞愛護偏篤賞典無算婢於長廊之內別設一  
房書畫什物俱極齊楚以備少隙燕息之所長安豪  
富子弟從事青樓者競欲以千金一娶希為媒寵於  
參政婢四處牢拒一心自矢曰若非天下有心人寧  
甘老空房一日婢領了夫人之命修起居于親黨及  
其復路忽逢聚雨忙還其家則有一丐蓬頭垢面避  
雨于門首婢一省而知非常慧入于自己房櫳囑曰  
爾姑留此因轉出而鏤其扁額二入內閨那丐一刻  
萬想莫料端倪而姑任其狀欲聽下四少焉出而入

室詳看那馬喜容可掬先買來柴溫水護沐使馬全  
身洗滌且饋暮飯美着瓊餠蹴破楊腸之神尽血朱  
盤眩若滄海之市日已曛黑街鍾亂動遂交頸於錦  
襟繡襦之中宛轉春夢顛鸞倒鳳黎明使馬椎髻成  
冠又衣以鮮服穩稱其體果然儀容島夷氣宇軒豁  
非復昔日之愁蹙也又囑曰君可入現於夫人及太  
政而如有動問必對以如此如此馬滿口領諾即謁  
太政太政曰此婢昔擇其耦今也忽地結褵必見可  
意人也乃使馬近前曰汝所業甚麼曰小的將些錢  
貨使人殖貨八路變幻貴賤相時射利太政大喜深

信自是丐美衣豐食不事一事婢曰人生斯世各有  
所幹而飽食無為將如謀生何哉丐曰若欲料理資  
生須得十斗銀子乃可婢曰我當為君周旋因入內  
堂秉問息子夫人仁仁轉言於叅政仁仁慨然仁諾  
丐將此百金都買洛肆乍看不釐之衣積於天衢盡  
扣平日同興乞丐之若男若女總以其衣仁之且聚  
江郊乞兒亦如之且尋遠鄉近州流離飄蕩之類以  
無漏大庇為心馬以馱之雇以擔之循八路而盡之  
只餘一匹馬及數襍衣因作襍擔藉石馬背而行時  
當中秋霽月如上淡烟橫野平郊通路四無行旅揮

鞭促程聽其所止而欲止路遇大橋下有泝澌之  
聲雜人語響深宵曠野疑其木客因下馬據橋探視  
橋下則有一翁一媪解衣露體澌其所著之衣驚人  
俯視媪其赤身揮手趨避無所措躬乃招出橋上罄  
其所儲之衣以衣之是翁是媪鳴謝僕亡忌請邀入  
止宿于其家則數椽蝸舍僅庇風雨丐繫馬于外入  
室而坐翁媪奔走幹辦以饋鹿飯苦菜一飽而欲宿  
請借枕具則翁媪乃於椽桶之間搜出一匏觔曰可  
以枕此丐依言而卧乃於黑窰中地用手捫匏則既  
非金石又異土木謹細捫摩而認他不得忽有呼唱

之群喧聒籬外甚有威猛如貴者之踵門俄有一卒  
應令而入欲奪此匏丐曰是我所枕不可輒與人明  
矣數竿繼以攫取丐一向拒之居無何貴人躬入而  
詰之曰汝誰知適用此器而如是自宝耶丐曰既入  
我殼義不輕許而寀昧適用之術貴者曰此殖貨之良  
宝若以散金碎銀納其中而搖之則頃刻滿器汝必  
待三年之期拋之于銅雀津無使他人覘知慎勿疏  
虞丐大喜而叫乃尋常兒夢也時天色向曙翁媪已  
起丐曰願以鄧鬲易此匏翁媪曰而却曰此物不直  
一錢敢售駿馬也丐脫其衣而掛壁繫其馬於門楣

反求主翁鵲衣掛于身上又以一蒿席包其籠擔而出乞食於行路依然復為乞兒樣子間關千里屢日入城直望叅政家而造焉忽地心口相語曰當日出門萬二銀貨今夜啟家槩二衣裳恐有碍於見聞姑待烽後鐘前瞰其閭寂而入無妨也乃藏身於酒肆少俟夜闌整入其家則廊門半掩房戶牢鎖丐因屏氣息迹於昏黑深隕俄而婢自內而出推扇而入曰今日街鍾亦云鳴矣吾一双銀海不識人品致此噬臍奈將何為丐微嗽一聲使知其來婢驚曰誰也曰吾也曰何往何來曰開門燃灯乃挈其負而入室相

對燭下則羸垢之容襁綈之服此諸宿昔倍為愁慘  
婢吞聲出門脩晚食而一飽共歎是夜晨鍾繞動婢  
蹴弓而起重裹輕宝欲為竊負而逃以免亡銀之罪  
弓瞋目厲聲曰我寧首蒙獲戾豈可相携逸去重添  
禍網也婢怒曰君縱不能庇一妻誰因由我國人日  
逢笞罵而猶作丈夫語耶弓曰卿若一執迷見我富  
先告于叅政少効自新婢更無奈何纏恨含憤却入  
內屋弓乃出匏子且得几銀於婢子之篋裡納于其  
中暗祝天地用力搖晃開口視之則白雪也似紋銀  
充滿一匏因匿於屋漏中最凹處搖之又搖注上添

汪俄頃之間與屋子齊高始以廣袂遮掩高枕而睡  
婢良久而出忽見有物填塞房隅不勝恠訝褰帷而  
視則瓦上白銀堆積如京不知其幾千十斗也始驚  
如啞口喑目瞠俄繞定情曰此物從何而至又何其  
夥也丐笑曰宵小兒女為知丈夫之做事也因與蒂  
笑相戲坐而待晨換着新衣伏謁於參政始參政聲  
一家之儲以付于丐一出而久無形影心甚訝惑  
忽於昨夕一僮撞見丐之狼貝而歸惱告參政乞乞  
愕爾缺懷夜未穩睡及見丐滿着燦然衣服趨謁於  
前參政已在疑信之中亟問汝興敗已完否丐曰多

荷貴宅俯助獲利甚優請納二十斗銀子俾完子母  
之息參政曰我豈受利息也只償本銀切勿更圖巧  
曰小的可死利息不可不納因戴負輪置于庭除正  
如臘前厚雪可為三四十斗參政素是嗜利欣之領  
受婢又以十斗獻于蒼園用中微誠又以數十斗納于  
諸夫人其餘僮隸藏獲舉所數鎰舉家歎羨嘖之不  
已參政乃寤疇昔之夜一僮之脩述丐禮樓之狀者  
的是構陷亟告蒼園曰此僮深猜此婢構捏殊甚錦  
衣紙袴者勒謂竊懸索盈黃金者勒謂敗還究其心  
肚寔非佳人乃厲責那僮云一辭稱屈而不得伸亟

令斥之丐自是日富月贍贖婢從良百年湛樂子姓  
繁衍至有登朝籍而飽哭則果於三年之後祭而投  
之于銅津云

李後種力行孝義

李後種清州水軍信義著於鄉里有一士夫知其隸  
於賊役欲抵書水使而免之後種聞之一日來謁曰  
聞公恩水使免我軍役然否士夫曰然後種曰不可  
吾為此來謁而欲止之願公勿為也國家軍役如我  
年富力強之人義圖免則何以充軍額况我小民不  
可以無役仍力挽不免身至六十應役不怠其父之

弟有為居士者老而無妻子後種芋置其家善養無  
懈其人久病便溺不禁後種每持其側禰院濯溪邊  
村人之過者見曰何不令媼女洗之親自濯之後種  
曰吾妻以別人義舍恐無骨肉之情羞或心移強為  
之則非誠心奉養之意故親自為之身其父需屬人  
十斗麥秋來訖其直是年麥貴而稻賤故為二十五  
斗實者貧不能修先以祖二十斗來償後種自外  
來聞之驚曰麥惡稻美今受十斗租已過矣乃以十  
斗麥受二十五斗稻是何言也因是其父只以受十  
斗實者曰若除五斗穀則是美後種力言不已其父

從之只受十斗後種少以造筮為業其父輒賣於市  
一日忽然撒業不造其父問之新於隣居士夫曰吾  
子造筮無端斷手請治之士夫招問荏曰小人造筮  
小人之父輒賣於市賣買而欲受準伍人之常情爭  
價之際或為強暴者所詬辱則此以手貽辱吾父也  
無他業可以養親者則亦何敢廢今力農而養之故  
撒之身嘗遇暎堇壅溝洫而儲水移秧是夜村人決  
水灌其苗其父怒呼辱之後種力諫曰欲灌其苗人之  
常情其苗在吾田之上雖欲決得乎既今既決之後  
不可遂上詬人何為

德原令擅名棋局

德原令善奕棋以國手名一日有一人繫馬於庭令問為誰對曰某以鄉軍上番平生喜棋奕聞老爺祿國手願對一局令欣然許之其人對坐輒曰對局不可不決賭老爺輸則願緇蕎糧小的見屈則平生有馬癖繫在良馬願納之令欣然許之既卒一局輸一家又卒一局又輸一家其人遂納其馬令笑曰吾戲耳豈受汝馬其人曰老爺以小的為食言人耶仍留而辭去令不得已留養過二朝後其人復來言下番將歸乞更對一局仍請賭還其馬令許之連輸數局

頓不可及令驚曰汝非吾敵子也絃其馬曰初局何  
為見屈其人笑曰某性愛馬入畜在京馬必瘦又無  
可托處故敢以小技欺公耳令恨其見賣有僧叩門  
曰貧道亦粗解此技願與對局令欣然許之對坐設  
棋翩乙如零散忽落一子令不能解潛心求索良久  
僧歛手請謝曰行色甚忙不可久住令沉潛默思如  
醉如癡久未能答僧拜而謝去久乃恍然擊節曰何  
處僧乃爾能見三十八子乙擊棋局舉眼視之僧已  
去矣問旁人曰何在荅曰向者其僧屢告辭老爺不  
荅故去已久矣去時以筆書於門楣而去尋見之書

曰這般棋乃謂棋耶云令之子見壙於清虜綾原大  
君以使价赴燕飲餞西郊令在座大君令庾贊弘對局  
曰贊弘每以令之不共敵對為慨恨今日庾若見屈  
則出財贖還德原之子令若見屈則降其換格共為  
敵對可也贊弘亦欣然許之蓋德原令以屢朝國手  
身已著艾贊弘年少善奕自以為裕共相敵而令終  
不肯許減降格每對輒輸贊弘每恨不服且以譁古  
饒財故大君之言如此而贊弘亦所自願者令遂與  
水洗眼露地危坐平日只降一格是日令換四子贊  
弘亦從之對數局連捷三倍贊弘遂贖還其子自此

眼昏廢棋云

澤風堂遇僧談易理

李澤堂少時多病廢舉業專意調養家在砥平白鷗  
谷近龍門山嘗携周易棲龍門乃邁寺沉潛研究輒  
至夜分有一僧負木取食單鉢弊衲僧所不齒每夜  
澤堂篝燈讀書衆僧尽睡而獨此僧借灯餘光織屨  
不寐一日公思索甚苦至於侵曉僧口內獨語曰年  
少書生以不逮之精神強欲求索玄微徒費心力何不  
移之科工公微聞之翌日引僧至僻處以夜所聞者  
詰之且曰師必深知易者請學焉僧曰貧丐偏僧豈

有識知但見生負工夫刻深慮有傷損故云仁至於  
文字素所蒙昧沈潜乎公曰然則何以云玄微師終  
不可以隱我年教之思仰不已僧曰措大溲於曷所  
疑此付籤俟我僻此公大喜將所疑晦逐一付標約  
僧於桂林茂密之中或衆僧尽睡之際從容質問僧  
剖柝微妙出人意表公肯中爽然如決雲覩天既平  
業公以師礼待僧然在衆中漠然若不相識及公下  
山僧送至山門期以明年正月訪公於京師及期僧  
果至公延之內齋留三日僧為公推命論定平生且  
曰丙子兵禍當大起必避地於永春可免某年又當

與公遇於西閔幸識之遂別去其後值丙子之亂奉  
慈堂避入永春安過及位至卿宰奉使西閔遊妙香  
山僧徒昇藍輿其居前一人即此僧也顏色康壯一  
如在龍門時公甚喜及入寺別掃一室延僧握手歡  
甚命別具素饌饗之留三日極意款討上自國事下  
及家私細悉無遺公亦仍聞道既別更不復遇

李上舍因病悟道妙

進士李光浩有積年痼疾欲為醫治博考方書因悟  
妙道多異事常飲水置一盃於厅上卧轉數次據高  
處倒身吐出謂之洗滌臟腑又嘗稱遠遊僅死數日

始甦一日謂家人曰吾今遠出月餘當還請一親友  
代守吾身必善待之言訖氣絕食頃復生起坐謂其  
子曰君必不知我也我此君父心友也君父適有遠  
行邀我守身幸勿訝焉吾嶺南人也其言語舉止非  
李君也李君之妻子供奉甚謹然不敢入內也如此  
月餘一日忽仆地而已開眼起坐其言語舉止即李  
君也妻兒雖歡欣習以為常亦不甚以為異之也然  
多危言妄說 孝廟朝坐事受刑狎無血有白膏如  
乳李君之友婿權某在南堂山村即高江也是日晡時李  
君至權家主人不在只有先輩取筆書于壁上障子

上曰平生杖忠孝今日有斯殃死後昇精魄神霄日  
月長書畢候起出門行數步復不見其家大驚俄而  
函書至云先是李君有千佛圖一幅不省其為奇筆  
有一僧望氣而至請見李君之書函至佛圖拜跪又  
掌曰天下絕宝也願公以此施舍當為厚報李君即  
共之且問其為絕宝者僧取水喚於幅上炷以日光  
則千佛並如螻蟻者眉目皆活動僧於井中採藥一  
掬授之曰此神藥也每朝用冷水磨服三丸服盡非  
但久視亦福祿陰盛過三則必有大害慎之其藥如  
麻子而黑李君素有宿症依服之數三服而積痼都

祛鰲黃韶潤腴力輕健李君大藥之服盡餘十數  
丸忽忘僧戒并磨令服其後僧又至大歎曰不用吾  
戒其不免哉及死其友人自南中來者遇李君於稷  
山路上布袍款段容色悽悽班荆而坐款討如平昔  
友人問其所往則荅以他辭至京聞之李君死日即  
稷山握手之夕也

車五山陽屏呼百韻

車天輅文辭浩汗而詩又雄奇雖精麈相雜而立就  
萬言滔々不窮無敢敵者宣廟末天使朱之蕃來  
朱是江南才子雅有風流所到之處詞翰輝耀膾炙

人口朝家極選儼使李月沙為接伴李東岳為延慰  
而其幕佐亦皆名家大手沿路唱酬至平壤朱使臨  
夕下筭都懷古五言律詩百韵於儼幕命起曉未明  
製進月沙大悞會諸人議之皆曰時方短夜非一人  
所能若分韵製之合為一篇庶可及乎月沙曰人各  
命意不同湊合豈成文理不如專委一人惟車復元  
可以當之遂委之天輅曰此非肯酒一盃大屏風  
坐並得韓景洪執筆不可月沙命具之設大屏風  
中天輅痛飲數十鍾入於屏內韓蓮於屏外展十張  
聯幅大筆牋濡筆臨之天輅於屏內以鐵書鎮連扣

書案鼓動吟詠而已高聲大唱曰景洪書送句後語  
絡繹雷出護隨呼即書俄而叫呼震動跳蕩踴躍翳  
髮赤身出凌於屏風之上迅鷹鷂猿不足比之而口  
中之唱水湧風發護之速筆猶未暇及夜未半而五  
律百韵已就矣天輅大呼一舞醉倒屏風頽然一赤  
身髀髀也諸公取其詩聚首一覽莫不奇快鷄未鳴而  
呼通使進呈朱公即起秉燭讀之讀未半而所把之  
扇鼓之尽碎諷咏之舞朗出於外平朝對僮使款賞  
嘖

韓石峯未興灑一障

韓滂嘗隨朝天使往燕京時有一閹老以烏鵲作一障子掛之筆堂之上集天下名筆能書者將厚賞之滂亦往烏障子煥爛動輝而解鼠鬚筆沉於琉璃椀泥金之中以筆名者數十人相顧莫之敢進滂筆興勃發不自抑進而執筆攬弄於泥金之中忽揚筆賤之灑落滿障觀者大驚主人大怒滂曰勿慮焉吾亦稱為東方名筆也乃把筆起立奮迅揮灑真草相雜極其意態灑落金泥皆在點畫之中無一遺漏神妙奇逸不可名狀滿堂觀者莫不叫絕咨嗟主人乃大喜設宴待之厚有贈遺由是滂名大著於中華國人

題之曰安乎之筆如九苞鳳雛常有雲霄之夢韓蘧  
之筆如千年老狐能偷造化之跡宣廟甚愛護筆  
嘗命書入賞賜甚多珎羞屢下遂為東方筆冢之第  
一

峽氓誤讀他人祝

有一故相之子路出窮峽日暮站遠投宿于一農舍  
內內方殺狗屠猪爛熳烹飪故相之子詰其由則是夜  
即座主之喪餘也終夜喧撓不敢交睫拖至鷄唱呌  
噪呼應百倍於前設祭陳羞咒聲聒耳及讀祝辭有  
曰癸酉五月二十日云故相之子卧聽暗笑曰今日

即甲戌五月十六日也何以往年五月作祝也正自  
訝惑之際又聽孝子某云亡巧是自家同名也又聽敢  
昭告于顯考大匡輔國崇祿大夫議政府領議政為  
領經筵春秋館弘文館藝文館觀象監事世子師  
謚某公府君云亡故相之子驚起自語曰然則庄主  
故首関之子耶何流落至此也然哉啣及謚考與我  
先考相同亦一異事也又聽顯妣貞敬夫人某贊某  
氏云又與自家先妣贊鄉姓氏毫無差爽始及大疑  
待其撤祭巫呼庄主曰汝之先世曾做何官庄主惶  
恐曰詎能做官也每以終身不免禁衛軍為恨耳又

問甬名為誰對曰某也果非自家同名也又問甬母  
姓氏某也對曰小的母幼失父世未識姓字又問甬  
能解字否對曰只曉諺文又問甬之祝辭從誰代書  
對曰小的生來不識祝法昨日貴星知小的家設祭  
問有祝乎曰無貴星挪揄誑笑曰無祝而祭些不祭  
等云故餽以數椀箇請學祝式貴星索一張白楮  
書下諺文令小的習讀小的看過不甚難解故不勝  
大喜約些一洞諸家珍藏此紙來後家上輪回讀之  
而先試於今晚身故相之子大駭之前以事埋即地  
焚燒大責其僥倖云云曰小人每於上與宅忌日慣聽

祝文以至習誦而意謂世間祝式皆如此故果有此  
事耳故相之子心甚未安而無如之何更思或有讀  
祝之年月干支則即去年自家親忌日也或云廟主  
之後狗屠猪及其設祭讀祝誤請他人之神而以故  
相子言之設甚親祭於殊鄉他家而至於黷神主客  
一般狼狽尤覺一噓也

宰相戲掬梅花足

古有一宰相夫人性嚴有法度宰相甚憚之常恐或  
取侮於夫人也其家有一婢名做梅花少而且美宰  
相每欲挑之而婢在夫人左右未得其便惟或以秋

波慙慙則婢甚冷落蓋畏夫人剛正也一日宰相坐  
內堂夫人在廳事治產婢承領夫人之使令入房子  
裡轉上樓庫西一足垂在樓門之外宰相諦視其足  
則白如凝霜小如新月不勝憐愛以手掬之婢大驚  
且叫夫人正色進前曰相公年老位高何不自重宰  
相乃權辭曰余誤認以卿之足有此故犯耳時人  
為之語曰相思一夜梅花發梅花婢名忽到寒前疑  
是君足故云足故云人

得愈使兒時有約

白沙李公嘗閑坐盲人咸順命來謁公曰何事冒雨

而至順命曰苟非緊故病人那得衡兩而來乎公曰  
姑舍汝所請先從吾請可乎朴判事蓮兒時受學於  
白沙方在座公指而問曰此兒之命如何順命曰唯  
良久細推而言此郎可到兵曹判書白沙歎曰汝之  
術數精矣此兒元來可到此官矣順命告朴曰甲午  
年間郎君似當為大司馬矣是時白沙席子箕男共  
朴同學箕男曰君若主本兵宜授我兵使朴笑而諾  
之其後甲午果入中權箕男往見不復一言辭出時  
朴公之側室小兒在前手携其兒縛擊掉曳於牆外  
兵判驚問其故荅曰我以鰲城妻子與兵判有小兒

時宿約而亦不相念况此循例兵判之妾子雖生何  
為殺之無惜朴曰我雖兒時許汝那家政格截蔽何  
敢以席孽為兵使箕男曰然則君宜上疏陳其兒時  
之約不膺中樞之命可矣朴笑曰我識汝意白翎僉  
使近作窠意必在此箕男慨然曰以兵使之約只得  
僉使誠可憶亦復奈何竟除白翎僉使

養壯元色科必夢

樂靜趙公壯元及第榜下同年例於唱榜前來謁壯  
頭有一同年鬚髮頽白者來見坐定舉顏熟視而笑  
曰異哉乙乙育養壯元而登科安得不老公問曰何

謂也其人曰我湖南人老於場屋自少入京赴舉不  
知幾許每行到振威葛院地夢見一兒則必落科自  
是以後每行輒夢其兒漸長每夢已慣其面目後提  
戲笑若相次然既寤已知其必落心甚惡之移其宿  
處雖不宿葛院前却葛院數十里而宿輒夢之又改  
其路由安城抵京每過葛院相對處輒夢之終無奈  
何遂由大路行兒及年長而既冠亦累見顏熟相親  
今行亦夢故已科其必落矣忽然登第莫知其所以  
今日來謁壯元宛然若夢中顏面此誠異事科第得  
矣豈非天耶

結芳緣二八娘子

英廟末蔡生者家勢貧窶僦居于崇禮門外萬里峴  
蝸舍頽圯簞瓢屢空而生之父愷悌謹拙恬靜自守  
不以飢寒而易其操惟嚴訓其子欲紹家緒見一不  
是處未嘗溺愛包容必裸入繩網之中高懸標上以  
亂椎之曰吾家門戶剝復重係汝一身未有酷罰  
何望悵過生時年十八委禽於禹水峴睦學究家雖結  
觀之日亦令課讀親迎之後祗席之事皆有指日所  
許一日招生曰冷鄴只餘四箇日墓祭固宜躬行而  
但汝成冠之後猶曠有墓於情於理俱是未安可於

明曉趨程三日而走百有奇里則當赴期到塋下將  
事之際須用一箇誠字拜跪出入無或少忽行路如  
見女伴及喪輅必避回不見以務心齋生僕二領命  
翌日拂曙而行父又出門囑之曰長程決勿浪度默  
誦一經送旅必須節食用免二豎勉哉昂然生滿口  
應承往于南門轉過十字街葛衣麻鞋行色零星忽  
有五六兒隸豪悍輩胖健携一駿驥骨金勒繡韉拜  
于路旁生羞赧不敢當疾足便走兒隸圍二圍凡曰  
小的家令公奉邀郎君願速上馬生訝惑喁喁曰君  
是誰家藏獲我也四顧無頭親誰有此速去也兒隸

更不打話齊力推擁勒使據鞍施策打箭迅如飛龍  
生目瞠口呿不能定精哀呼悲呼曰我庭闈俱老兄  
弟終鮮望君特垂慈悲救活縷喘兒隸倖若不聽惟  
事驅騁俄頃而馳入一門轉過無限小門中有廣廈  
渠仁制度宏敞楹桶雕績衆傑翼生而升堂以上有  
老翁頭戴烏紗折風巾以明珠瓦纓承之兩鬢貼了  
一玳金圈身穿大花青錦氅衣腰橫條兒帶高坐於  
沉香椅上五六中鬟眩粧麗眼序列生忙拜膝席主  
翁扶起寒暄踵問生姓名閥閱年紀生一一便對主  
翁喜動眉睫曰吾不薄命生終是愚駁究解他不得

動問他不得惟滿面通紅拱手侍坐而已至翁曰吾  
家世以象胥資業位添金緋家饒銀貨詎不自足而  
但身外博有一女受人僂皮未起苞禮而夫婿遽夭  
青春空閨情事極憐而礼守有防瞻矜有碍未便他  
適奄至三稔女忽於前宵悲号哀鳴拜乞吞恨寸寸  
斷腸雖行路之人亦當為之傷感矧余一點骨肉都  
寄此女一日忍見輒惹一日之愁百年忍見便無百  
年之樂缺陷世界迅如旣駛雖絲肉以醒身錦繡以  
侈眼膏腴以悅口猶恨取粟無多余又何苦捋以清  
淚為日用哀怨為家計也哉事到窮迫計出無奈乃

使僮僕晨俟天衢毋論賢愚貴賤必以初逢一少年  
丈夫極力邀致以占佳緣不意卽君此微息宿繫赤  
繩湊合甚巧萬望憐其寡艱使奉巾櫛生益覺矍然  
不敢有應主翁曰春宵苦短鷄人已唱願君追此未  
明以成花燭因攜生而起携入行閣轉到一座花園  
廣闊數百步四圍以粉牆約之牆之內滿鑿池塘小  
艇舫甚多房舍兩三人乃同乘而濟並蓄挺立尺尋  
莫辨漸入異香中者差久塢嶽斗立以文石等起中  
設階梯以達其上生下舟登階已盡而有十二闌干  
茵席炳爛簾箔瑩透主翁留生而入生停立偷視則

奇草異石名花彩禽如入海觀市悅惚不可名狀居  
無何二青衣邀生而導之生踵至一座紅院只見碧  
紗窗裡銀燭煇煌香烟裊裊二八娘子月態花兒靚  
粧妝眼翹立戶內隱映曉暎只窺一班生咨且而進  
娘子蓮步乍動宛轉出來爾生而入拜了一拜生沒  
頭答拜偶坐罷僊僊侍婢進饌珍味方丈室咒錦錯生  
羞赦不敢下簪玉人曰稚女富貴吾所固有但何恃  
於君者若恩情無間諛嫉不行則可得百年霓裳惟  
君圖之生亦不能答玉人轉身而出一媼鋪列兩箇  
錦裯於七宝床上請生入帷生曳勉而入媼又扶娘

子英生并坐仍下流蘓鎮以文辱生掣肘矛盾猶未  
定精更以阮郎天台而自解之柳毅洞庭而自况之  
乃噓呷交枕情思繾綣日高三竿始乃覺寢則衣衫  
袍帶無一存焉不勝驚訝詰于娘曰欲依樣製衣  
敢為竊去言訖媼以一敝箱入曰新衣已完望郎君  
進着生見綺紵燦々穩称身子喜大穿下旋吸早饌  
主人入候起居生嚔嚔曰大爺不鄙寒踵恩摯鄭重  
非不欲久叩甥館用表微虔而但墓祭在即前途脩  
遠若一刻延挽則無以及期敢此告別仰乞心諒主  
人曰先壠雖此幾里曰百里有羨主人曰若間関困

步則可費三日若一馳駿鬣則不過半日之程願姑  
留兩日無孤此望生曰春庭訓戒甚嚴余欲淹滯于  
此未乃素肥衣輕攜一馳驟則曷敢事覺願大爺三  
思主人曰吾等之已熟矣可有安帖慎勿深慮生寔  
不忍捨及聆斯言也自為韋主人携生而到山亭水  
榭松臺竹田悅眼暢懷箇一幽勝主人曰余姓金做  
官知樞世人相共誇張以吾產業謂甲于國內故微  
名頗播遠近君或聞之否生曰街卒田父皆知貴名  
况余能聞如雷薩耳乎主人曰緣吾無嗣欲窮極園  
林勝事以陶寫餘景院落樓榭窠多僭分慎勿說與世

人以獲大戾生唯越二日生晨興登程輪蹄堪憫  
僕所群擁日未昃已到楸下五里之地乃換着旧衣  
裹足而入翌朝行祭而復路未到幾十里武車馬已  
候路旁生改穿錦衣馳回金家因欲還家金曰貴爺  
料君有步而不能料君有騎百里長程一日而還則  
漏鑄已出補綴不得莫若更過信宿而歸覲生穩度  
香閨新情款洽如期而別涕泗被面娘子追問後會  
生曰親教嚴重遊必有方倘春秋墓祀更使余暫行  
則謹當一做今日之規不爾徑歲經年娘子便是一  
般寡也言此淚并肩別舊離生年妙心癡自來大願

即火鉄小井而家貧未得及見金家所供繡刺華麗  
製裁精緻乃愛護珍奇不忍便捨娘白此井蘊晦大  
井之中人難測見挽着旧衣獨携此物有甚違戾生  
如言納諸布井悌家復命父亟問先塋安否且問修  
齋誠慢生對之甚悲即令讀書生口雖呶呶心未嘗  
不到金家也一日父教生宿于内閨生夜入婦室破  
窓漏簷寒風透骨蒲禰麻衾蚤蛄甚熾妻荆釵短裙  
垢容瘦失起身而迎生苦無適意不交一語惟念  
只在於金家蘭閨日行樂前遊如夢後會難期因  
默誦元微之曾經滄海難為水除却巫山不是雲之

句自覺暗符身勢但呼長歎轉展不寐及到曉鍾始  
得交睫到日晏未覺妻黎明先起自想道尊章平日  
琴瑟甚調情眷恒篤忽自揪罵後一此冷落必有留  
情別人間我曰好也因歷省生之容色衣衫無所顯  
露因偶見生之所佩布巾昔曾室乙今忽盈乙疑雲  
漸遮乃偷驗裡面則果有一箇小錦巾中窠火金火  
石萬有棋子樣銀貨妻大怒列置床上要待生之睡  
覺自赧居無何父厲責而入曰豚犬尚在睡裡何暇  
讀了一字因開户叱之生驚起振衣父轉目之際已  
撞見床上小巾不勝駭痛裸生而納諸繩畧之中掛

于樑上用力打下生不堪苦楚一吐實父一層激  
怒三百曲踊折簡隣家借了一刀使招金令自是  
豪華雖宰執學士不能坐而輒邀况一學士遣一星  
而任自招來耶徒以孀女悌属甘受凌逼刻下馳謁  
父属群大責曰君一壞禮常聽女淫奔既不自好又  
誤吾兒何也金曰擇婿之車巧丁阿戎彼此不幸已  
不可既今則水流雲空兩家安逸不相干涉則已矣  
何用摘人釁累高群彰顯乎父無以應金即辭去曰  
胤茲以商魚湖相忘慎勿相迫因飄然而去過了一  
歲金冒雨來造蔡老曰疇昔牢約今胡徑庭金曰適

出郊垌忽值霏霏此間無他親知敢入貴第少避暴  
雨萬望見諒蔡老怡然曰吾久雨狔坐無以陶寫達  
君可以閑話矣金執禮甚恭談屑婉乙正如牛毛蚤  
絲甚有絲理而并不及葭莩之事蔡父生平延遊不  
越乎村學秀才終日接語惟相較貧富如印一板及  
見金辯博軒偉重以諂笑獻媚乃大悅心醉金默會  
其意即叫僕從曰余走得肚裏飢須將橐裡食物來  
僕從進佳肴珍饈金滿酌大白跪進于蔡老乙乙胃  
開口涎正欲盡飲而陽叩之金曰杯酒相屬素昧猶然  
况吾曹托契已久顏面已厚豈忍再坐而狔酌蔡老

語沮一飲輒尽危青州從事階尽腦腸之硯磊梗  
腸蔬神却被珎肉之蹴破醉眼如潮襟期散朗金尽  
歎而悌蔡老曰君好是一箇酒伴必頻賜枉顧金曰  
今日天雨一借幸得對觴而余公務私故鎮日紛叢  
安得抽身更到也蔡老送至門首乘醉入室團聚家  
小咸言金公好处旋又昏寢平明乃覺頗悔昨日為  
其所賺而不可及矣金密使家人調探生家動息一  
日家人回告曰蔡家五日不爨内外僵卧景色慘沮  
金乃移書于生送饋數千孔方兄生闔家欣踊亟備  
饘飩而不令翁知道權托補貨進饋于翁之急於充

飢未暇窮詰一日二日再食無虞蔡老始恠問之生  
備悉其由蔡老怒曰寧顛倒溝壑豈君坐受無名之  
物也事屬既往既難吐嘔且無路可償此後則慎勿  
破戒生唯唯於焉之頃青蚨已乏飢餒依旧而蔡老  
性本踈拙不謀產業生與母撐東補西掇下充上拖  
至周歲而勢同弩末債如山積死亡迫在呼吸金又  
探得這箇樣子復以十斛長腰百金鵝眼為生壽之  
生豈忍見父母垂死心灼肺燃餅罄壘恥雖擔糞債  
傭何事可辭而況人以好意送助手乃欣然迎受以  
傳親厨父方病昏泔之惟貪飲食生連供滷臠數日

乃痊繼以甘旨調養之蔡光曰此物從誰辦了生又  
告其狀父微笑曰金令安得時々肉急也此後則決  
勿有受之當答之生又領命父高卧飲食不務桂玉  
者且五六箇月及夫所儲又罄愁惱十倍於前荏苒  
苦楚者又許多日月蔡光當其喪餘蘋藻俱空情事  
催抑偶坐室隅百計熏心忽見一僕齎齋錢二百來  
献于生乃全家所餉也生嗔擬父教欲辭之父曰他  
以急人之風助我祀需於情於義不可全却半完半  
受允令得中生如戒翌日金盛脩食卓來饋生亡又  
欲却之蔡光曰既熟這物不可狼狽回送今可染指

自後則一切防塞因相此大函香味雜錯一家咸飲  
口碑如雷金慙慙勸蔡老二二一直不諱直到泥醉  
許給刎頸且詔生曰汝些全家閨秀本自楚越之遙  
忽成秦晉之好豈無天緣耶汝不可終為殊乘斷人存  
平生今宵甚吉可一宿而還母至留連生大喜謔之  
金再拜鳴謝亟以班駘送生于家自己則或慮蔡老  
之有二三其心故為遷延日曛乃去生翌朝返國蔡  
老陣不記昨日話頭乃恠問曰汝緣何早整冠帶生以  
寀對父悔懊媿報不能罪責遂此一任於生聽其所  
為不露些圭稜而衣食祭祀皆賴于金也又日二載

面來造討論衷曲蔡老早傷於貧頭頂為白及未坐  
衣遊食又日共暢飲頗覺自適追念前日苦海舛膚  
起秉一日金從容進言曰公子之姓來余家漸礙人  
眼願從此告絕蔡老驚曰然則吾當密迎吾婦于家  
裡藏踪滅跡金曰公子年少布衣上有庭闈下有正  
室決不可高棲于家蔡老曰弟思妙策以詔愚迷金  
曰我欲別築一室于貴弟之旁以便晨夕往來未審  
高見如何蔡老曰然則室宇無用高婢僕毋用多庖  
廩無用富以守吾家寒素金曰諾乃歸鳩家材暢建  
瓦舍便成一區中第甚非蔡老志也蔡老無由奈何

時或咄咄以讓金。曰：第宅所以長子孫也，需觀  
足下抱玉懷珠而未需於世，令子賢婦當食其報，豈無  
高大門閭耶？蔡老大喜而止。宅成而落之。金暮夜送  
女于生家，禮謁舅姑。女君因住新舍三日，小宴五日。  
大宴以娛舅姑。內外僮僕，盡得歡心。生告其母，曰：何  
父阿母平生吃苦，俱迫桑榆而迷息年，淺學蔑難期  
奉檄，願今一分志養之道，只在移處新舍，穩享富貴。  
願得採納。母曰：我若移居，則金家當謂我何？生曰：此  
金令及側室之意，而我不過傳命之郵耳。母頗有肯  
意，備告于蔡老。老曰：卿志氣衰邁，至有贅說其

妻怒曰我自從尋章劔水刀山未嘗一日釋慮今幸  
得衣食之天安居肆志次婦之恩固大笑今又虔誠  
邀我以養餘年有何虧傷而不為勉從也蔡老曰卿  
自去我則當守窳庐其母乃卜日搬撤其父時  
往見則數十僮僕迎拜門首左擁右攝直入別室  
即為其父敬搆以便或來住者也入堂則圖書滿架  
花卉委砌使令滿前應對如流入對老妻而之如之  
移晷坐卧不忍捨去未乃勉強還家則破屋數間依  
旧蕭散忽自念曰餘生無幾不過一彈指頃何庸自  
苦如此亟招生曰吾狝寓空舍傳食於汝還成一契

且室家分張晚景尤難欲同處新舍以便團聚於意  
云何生大喜其父乃即日移占度無間言金以負郭  
十畝立券此生、既無家累惟事舉子業未幾登第  
功名耀世云

### 成小會四六詩令

古有一方伯此營將中軍通判審藥檢律及其長子  
承宣次子舉子暇日遊宴方伯曰不有佳作何以言  
志但一座諸賢難保箇、能詩若以四六一句亭仁  
走成則甚佳、衆曰諾方伯先吟曰桃李朶柳萬條  
一年春光營將曰小官武夫寧無聞花儷葉之才願

效栢梁臺七言詩各言其職務方伯許之營將曰棍  
十箇刑二次治盜活法長子承宣吟曰正三品從二  
品承旨閔望次子舉子吟曰詩三上賦二下每榜初  
試中軍吟曰錢十貫米五石官晚至薄通判吟曰灾  
百結還千石催科劇務毋客吟曰米一斗肉拾斤下  
記筆削搶律吟曰杖一百徒三年切訖各咸審導吟  
曰薑三片棗二枚不拘時服相與大笑積成一軋有  
一妓進曰妾狝無詩徒飽酒肉願獻一句滿座稱佳  
妓曰夜三板畫二次長時不厭人人絕倒極歡而罷

